

Mwiili wa muchu






**Elukuluku emoha Mariya
aamukoha mukhwaawe.**



**- Minisu, neereke xeeni wi
naakhaviherye akhwihu?
Ookoha Mariya, mwana a
maamuthiyana onaavyaavya
osuwela ichu sawaaca.**



**Minisu aahuupuwela: tiyaphaama
owecelela asinnahu.**

Akumi naari awiiceliwa.

**Ori yaphaama osuwela ichu
sinaphacuwa.**



**Ntoko nsuwenlaahu,
mwiili wa muchu wookhalano
makupa awaaca.**




Mwa yaawo sinnaphacuwa ichu sawaaca.

Tivaavo onaphwanelaaya waasuveliha achu tixeeni yawiira. Enaphwanela ori orapa woxiixelo, othana ni ohiyu.



**Okucha mayino navinya, nalya ni
naayaaka okona.**

**Ori wiikhaliha phaama mwa
makupa ahu.**



**Tiyaphaama oreeriha ni ocicimiha
mwiili ahu.**

**Okhapelela phaama ni makhalelo
ooreerela.**




**Vano tixeeni yawiira? Oochuna
osuwela Mariya.
Ori oovelavela.**



**Onnaphwanela waasuweiha
akhwiu orapa phama.**

**Opaka soophwanelela wa mwiili
ahu.**

Ni orapela sawiipha.




**Waaleeliha ale eri areca wi
enarowa oxipitale.**

**Ni enawirya mirece enavahiwaaya
oxipitale.**



**Nave tiwaphaama owirya maahi
nninko mwiili onakwelaaya.**




**Ovela ni oreeriha nnakonaahumo
navetho okona mmulapani
Napaka yeela nnamwaakhaviherya
akwiihu ehisuwenle.**

Muchu ni epewe





**Naana onakucha miino wooxiixelo.
Ori ni ekooppho mmatani, evelo ya
miino mmatani noolya.**



**Amaliha, yene ni Aana enaya
ochimaka.**

**Ohiya ocimaka, ennasiveliwa
ocupha mukoyi.**




**Naana onawara isapato
soochimakano.**

**Naana, akuva owara isapato;
onnaphwanela waakuvela
onchaconi ya mphirya.**




**Oopiili ephiyalaaya onchaconi wa
mphirya yaampchwanya Liila.
Nrowe, Liila ole ori vale
meekhiye - ooloca Aana.**



**Mooni Liila! Woorwa? Nrowe
nchimake vamoha.**

- Mooni Naana ni Aana.

Olelo kootepa opeherya.



**Aayi! Wulu, ole ti amina ni
Variinyu! Enapaka xeeni weyiwo?
Ale aatepa wiichaala iwe! Nrowe...**



**Amiina ni Variinyu enavonya
mphirya oopiili ekiraanthe.
Achu yaale aatepa oteteyiwa,
nkamoone Variinyu, Aana!**



**Variinyu hanawerya weeca,
ananvokha mphirya yene ari
vampaconi.**

**Aayi, nto tiyooreera othata ni
yene mahiku ootheene.**



**Nkawooneni Amunna, enawiiha
enka mwa Variinyu ni Amina.
Wulu! Tiyoooreera, tiyoooreera
phaameene!**



**Nki atiithi? Atiithi ni amaayi eri
omaca enamulima.**

**Navinya vaava nivire omaca iwe
naaleelihe wi enasuwela wi
noorowa osikhola.**

